

皇朝實錄

四十
六冊

大清世祖體天隆運英睿欽文大德弘功至仁純孝
章皇帝實錄卷之八十七

順治十一年十一月丁亥朔

以固山額真陳泰為吏部尚書梅勒章京胡沙為
工部侍郎 加恩趙布泰命解蘇章京任為閑散
內大臣 以正藍旗滿洲固山蘇章京阿尔津為
本固山固山額真鑲藍旗滿洲固山蘇喇章京覺
羅瓦爾瑪為本固山梅勒章京 平南王尚可喜
遺子之信入侍

辛卯

陞理藩院侍郎沙机達喇為本院尚書

壬辰

陞戶部啟心郎祁徹白為內翰林國史院學士

陞鑲黃旗滿洲固山甲喇章京達肅為本固山叅

章京 贈殉難山東登萊道付使徐大用為光祿

寺卿萊州府推官署膠州事李煌為山東按察司

僉事各廕一子入監讀書

癸巳

以鑲白旗滿洲固山甲喇章京吳丹止紅旗滿洲

固山甲喇章京覺羅格理為噶布什賢章京正紅

旗滿洲固山甲喇章京屯鋒正藍旗滿洲固山三
寺叅庫理為擺牙喇甲喇章京

甲午遣官祭

三皇 命阳和付將彭有德以原銜管大金寺處

總兵官事 予殉難湖廣分守湖北道叅議刘昇

祚辰州府知府王任祀祭英如例 以正白旗滿

洲固山阿達哈、苗胡尔班巴圖魯鑲白旗滿洲

固山理事官陳布祿為甲喇章京鑲藍旗滿洲固

山阿達哈、苗蘓拜一寺叅庫理為擺牙喇甲喇章京

固山二寺叅庫理為擺牙喇甲喇章京

乙未

陞侍讀雷虎為內翰林秘書院侍讀學士 增設
奎澍冠軍使二員雲麾使四員治儀正二十一員
整儀衛十三員 夜生暈

己亥冬至祀

天子

圜立以歲歉民困免行慶賀禮遣官祭

福陵

昭陵

四祖陵

陞侍讀學士朱之錫為詹事府少詹事順

天府：丞孫建宗為太常寺少卿提督四譯館

陞山西按察司張尚為福建布政使司右布政使

山西冀寧道叅政董應徵為本省布政使司右布

政使懷來道副使李盛枝為江西布政使司叅政

分守嶺北道山西冀南道付使李胤昌為福建布

政使司叅政督糧道廣西驛傳道叅議陳舒為陝

西按察司付使分巡河西兵備道補服關山西僉

事万化為廣西按察司僉事分巡蒼梧道 外轉

刑科給事中林雲京為東按察司僉事屯田 法

水利道 陞正藍旗滿洲固山擺牙喇甲喇章京

法喀為本固山叢章京 夜生暈

庚子

鑲黃旗同安侯鄭芝龍奏臣逆子成功請地並餉不肯剃頭書語悖違諭旨妄誕無忌謹將來書二封繳呈

聖覽臣當席蒙代罪命議政王貝勒大臣會同密議速奏 裁山西振武衛右中前後四所鎮西衛左右中前後五所太原左衛中前後三所太原前衛右中前三所汾州衛左右中後四所潞州衛右中前後四所平陽衛左右二所又裁汾州衛前所百

總一員太原左衛守備及五所千總

辛丑

三等捕國將軍塞勒伯卒謚懷儀 陞正藍旗滿州固山付理事官宜雷為甲喇章京

壬寅

上以地震屢聞水旱頻仍民生未遂者躬自責命今後不稱聖得詔赦天下詔曰朕恭膺

天命續承

祖宗鴻緒統馭天下十有一年兢兢業業日務曷治而治效未臻日務安民而民生未遂疆圉多故徵

調甚繁水旱頻仍流離載道中外之欺朦成習朝廷之膏澤弗宣法救民窮子和召戾天心未格地震屢聞皆朕不得之所致也朕以渺躬托于王公臣庶之上政教不脩救正無術一夫不獲咎在朕躬而內外章奏文移動輒稱至是重朕之不德也何以自安從今以後朕痛加修省一意安民大小臣工各宜洗心改行恪修職業助朕挽回災變保乂黎元凡奏章文移俱不得稱至以昭朕乾惕至意念小民無知陷罪或誣牽連或冤誣沉滯深可惻、順治十一年十一月十六日昧爽以前凡

官吏兵民人等有犯除謀反叛逆子孫殺祖母父母內亂妻妾殺夫告夫奴僕殺家長殺一家非死罪三人採生折割人謀殺故殺蠱毒魘魅毒藥殺人強盜妖言十惡等真正死罪及監守自盜壞法受贓侵盜糧漕不赦外其餘罪無大小已發覺未發覺已結正未結正咸赦除之有以赦前事告訐者不許理問即以其罪、之隱匿漏洩逃人在頒詔之日已前見在審理未結者悉予赦免赦後的仍照例處治其内外文武官員除貪酷害民及大計處分城池失守不赦外其餘見在議革議降

議罰者各誅衙門悉與奏明寬宥於戲息不可恃
赦不可頻此赦之後赦不輕頒官民人等體朕此
意速各改過毋得視為泛常再有犯者一從憲典
布告中外咸使聞知

癸卯

上幸南苑 昏刻霧青色

甲辰

陞戶部理事官巴格為本部啟心郎靖南王耿繼
茂遣子精忠昭忠入侍 以鑲紅旗滿洲固山法
一升大額肅為擺牙喇甲喇章京正藍旗滿洲固

山阿達哈、苗胡鈕為甲喇章京議改王貝勒大
臣會議鄭成功屢經寬宥遣官招撫並無剃頭投
誠之意且寄伊父芝朶家書詞語誇張津無忌憚
不降之心已決請勅諒替撫鎮整頓兵馬固守城
池勿令逆眾登岸騷擾生民遇有間乘間上訴者
即發兵撲剿從之

乙巳

以鑲紅旗滿洲固山一寺蝦車爾獲為擺牙喇甲
喇章京 考授河南登豐縣知果張朝瑞為江南
道試監察御史

丙午

以正紅旗滿洲固山一守蝦白爾赫巴都護為擺
牙喇甲喇章京

丁未

贈殉難二守阿思哈、苗辰常總兵官徐勇為太
子太傅一守阿思哈、苗 陞鑲紅旗滿洲固山
牛录章京洪世祿為擺牙喇甲喇章京

己酉

御史杜果劾礼部 侍郎呂崇烈力衰年老從無
建白

上以崇烈精力雖衰服官無過准以致仕 陞正藍

旗滿洲固山阿喇哈章京尼隆阿為擺牙喇甲喇
章京

庚戌

陞大理寺：丞張璿為順天府：丞 陞湖廣督
糧道叅政余應魁為江南按察司按察使陝西督
糧道叅政李起龍為山西按察司按察使山西冀
南道叅政陳喆為浙江按察司按察使山東運使
傅應星為山西布政使司叅政分守冀南道陝西
西寧道副使王化淳為江南布政使司叅政分守

江寧道湖廣武昌道叅議張弘俊為廣西按察司
付使清軍驛傳道陝西寧道叅議李生芳為山
東按察司付使懷來道廣東嶺東道叅議劉通為
廣西按察司副使分巡桂林兵備道江西饒南
道叅議董顯忠為山西按察司付使分巡興南兵
備道外轉江南道御史林起宗為湖廣布政使
司叅議下湖南道陞工部主事李來泰為江南
按察司僉事上江提學道禮部員外員張能鱗為
江南按察司僉事下江提學道

辛亥

郊刻霧青色日左右有白氣上有戴氣予故固
山額真馬喇喜祭英如例

壬子

上遣學士石晉等傳諭學習滿書庶吉士曰人臣累
思報効朝廷自宜晝夜究心盡乃職倘能勉力
學習滿書滿語何患無成總由不肯用心遂致無
成且爾等學習滿書已經三載有餘甚至六七載
者朕還宮即行親試其無成者決不輕貸

癸丑

以鑲藍旗滿洲固山蘇喇章京噶布噶為擺牙喇

申喇章京

甲寅

原任巡撫南贛巡撫太子太保兵部尚書兼都察院右都御史劉武元卒

丙辰

戶部言人丁地土乃財賦根本故明旧例各直省人丁或三年或五年一行編審每十年將丁地繕造黃冊進呈我

朝定鼎以來尚未奉行今議自順治十二年為始各省責成布政使司直隸責成各道凡故絕者開

際壯丁股漏及幼丁長成者增補其新旧派民俱編入冊年久者与土著一体當差新來者五年當差至于名直省地土納錢糧者為民地不納錢糧者不分有主無主俱為官地各邊鎮俱應照例別分其拋荒地土招民間墾一如與屯之法畿內滿漢錯雜之處難以清查如有隱地漏糧許人告發從之

十二月丁巳朔轉礼部左侍郎薛所蘊為本部左侍郎陞學士胡兆龍為礼部右侍郎兼內翰林秘院學士編修王無咎為內翰林弘文院侍讀學

士 先是工科給事中張王治條上三事一日官制備以漢堂官尚缺僉都御史光祿寺卿二員及尚寶司衙門翰林院待詔皆所宜設一日陞轉宜均以六漕除吏部外兵陞司道戶刑工陞知府事有異同宜府道兼陞遇缺即轉一日謫降宜分以謫與降原屬兩途宜分別陞轉于懲創之中寓鼓舞之意部覆行其道府兼陞一事

戊申

發銀十一萬兩八千八百八十兩分卹湖南衡州
岔路口傷亡將士 陞陝西右布政使彭有羨為

山西布政使司左布政使湖廣石布政使張鳳儀
為本省布政使司左布政使直隸大明道付使程
之璿為陝西布政使司叅政督糧道四川北道
付使袁一相為山西布政使司叅政兼南道湖廣
靖州道付使劉桓為湖廣布政使司叅政督糧道
直隸廣平府知府牟廷選為陝西按察使付使分
巡西寧道廣西樂府知府姚延著為山東都轉運
鹽使司運使補裁缺御史蘓銑為陝西布政使司
叅議分守西寧道王天眷為江西布政使司叅議
分守饒南九江道楊世學為湖廣布政使司叅議

分守武昌道改補四川、西道參議盧建忠為廣
東布政使司參議分守嶺東道 大學士呂宮等
疏乞休不允 四川巡撫李國英等疏求罷不允
己未

陞工科給事中張王治為刑科右給事中

庚申

以法一丹大濟世為議政大臣以大理寺卿尼堪
為理藩院侍郎吳世霸為工部啟心郎 漕運總
督沈文奎奏濱海之地奸宄易藏有叛首朱周鎮
者糾眾煽惑輒稱為軍門及偽東平名號嘯聚於

樓房基等處幸為事內人所首旋即被擒併獲偽
教印及叛黨陳德英等地方隱患得以銷除下兵
部知之

辛酉

陞光祿寺卿少程正揆為大理寺丞 裁陝西
固原鎮總兵一員遊擊守備旗鼓各一員 先是
廣西巡撫王一呂以病回旗後病愈復推補廣西
一呂行賄款規避屬吏科給事中陳嘉猷代題未
果上亨覺坐一呂統罪流徙嘉猷于寧古塔 和
碩承澤親王碩塞薨年二十七

癸亥

予告太子太保內翰林弘文院大學士高爾僕卒

丙寅

陞江西九江總兵官都督僉事楊捷為右都督充
福建隨征右路總兵官福建泉州總兵官都督同
知馬得功為左都督充福建隨征中路總兵官浙
江金華總兵官都督同知馬進寶為左都督充福
建隨征左路總兵官 命湖廣中路總兵官許天
寵統領兵四千名分為中左右前後五營併續順
公下官十九員甲兵五十五名于寶慶駐防後設

右路總兵官一員額兵三千名分為中左右三營
改付將為中營遊擊兼管中軍事添設旗都司一
員左右二營仍各設遊擊一員三營仍設中軍守
備三員十總六員把總十二員同駐寶慶左路總
兵官張國柱統額兵四千名駐防永州從經略大
學洪承疇之請也復設湖廣桂陽桂東遊擊一員
中軍守備一員千總二員把總四員兵八百名
初山東巡撫夏玉以疎縱逆時行及甄別降調後
恩詔內有文武官員因公註誤降革者准予奏明
寬宥一條戶部付理事官徐必進回援例為夏玉

寬

上以必進所引不合顯有情弊下法司鞫狀不得其狀照朦朧保舉律定擬命革必進或永不叙用

丁卯

賞朝鮮國請封儲付陪臣靈豐君比李漢比常例加敘緞五疋衣一襲折帽皮十張陞衣祿寺丞舍玉光為寺少卿補原委署湖廣下湖南道參政盧慎言為四川布政使司參政川北道上湖南道付使李翀霄為本省按察司付使靖州兵備道陞福建福州府知府彭六翻為河南按察司付

使大名道

戊辰

以吳世為都察院理事官免湖廣鍾祥景山京陵潛江荊門江陵等州縣本年水災額糧

己巳

諭吏部曰朕念時方用人才不易得不認以一言偶誤遂致沉抑前有恩詔註誤官負許該衙門奏明寬宥未盡奉行向來科道跽官有司條陳國事所言不當以致降級革職者或曰科參內外官負事虛反坐以致降級革職者爾部詳察始末緣由

明白開列進奏候朕裁奪 厄魯得部落厄爾得
尼達雲綽爾濟等遣使貢馳馬宴賚如例 陞編
修達漠為內翰林秘書院侍讀 增設刑部滿洲
付理事官四員烏真超哈付理事官二員 免河
南祥符磁州鄭州河內等三十六州縣本年水災
額糧 換給湖廣水泆司土官唐鎮邦世襲印信

庚午

起故明詞宋之繩為內翰林國史院編修 以陣
歿拜他喇布勒哈番應泰濟子天爵襲職

辛未夜生暈

壬申

命世子濟渡為定遠大將軍同多羅貝勒巴爾楚
渾固山貝子吳達海固山額真噶達洪統官兵征
剿鄭成功賜之勅曰茲以逆賊鄭成功潛掘海島
不遵王化擾害福建泉州等府地方特命世子濟
度充定遠大將軍統率大兵征剿凡事與多羅貝
勒巴爾楚渾固山貝子吳達海固山額真噶達洪
等同心協謀而行毋謂自知不聽人言毋謂兵強
輕視逆寇仍爰偵探毋致踈虞抗拒不順者戮之
傾心歸順者撫之總以安民為首務嚴禁兵將申

明紀律不得擅取歸順良民一物務体朕定乱安
民至意賊如登岷相机剿抚如在海内則駐劄要
地馳奏凡有調發不可令固山額真噶達洪離尔
左右其間省官兵及新調三鎮官兵听尔調用其
行間將領罪功及重罪俱察寔紀明類奏各官有
犯小過者當即处分至于十人長分得撥什庫以
下無論大小罪過俱与諸將商酌徃行处分尔受
茲受任宜殫忠竭力早奏膚功欽哉 以正藍旗
二等蝦博特為擺牙喇甲喇章京 陞四川按察
使徐永損為陝西布政使司右布政使陝西按察

使張尔素為湖廣布政使司右布政使 初大學
士呂宮引病乞休疏中有腎氣虛寒人道俱絕等
語四川道監察御史姜晉南劾其狡嫚淫褻無人
臣禮宮再疏乞休自称德薄望輕致群小慢侮大
傷國体晉南復劾其用心險惡廉耻道喪

上念宮病不問 宣大總督馬鳴佩疏報宣雲兩鎮
本年開過屯地二千六百九十餘頃獲息一万六
千九百餘石 平南王尚可喜靖南王耿繼茂奏
逆賊李定国圍犯新会城中粮尽殺人馬為食臣
等率兵往援至三水縣分布沿江隘口出奇制其

後以待大軍比靖南將軍朱瑪喇等至遂合兵進
剿敗之于珊州斬其付將一員生擒十餘名獲首
一百五十餘級既抵新會定國領馬步賊分挑山
口山頭我兵奮勇衝擊奪其山殺獲甚衆定國遁
去新會以全奏入命所司察叙

乙亥

福建巡撫佟國器奏報海逆鄭成功襲破漳郡連
陷各邑復圍泉州警連興化夫海賊與陸地不同
揚帆所至隨處可犯賊衆億萬攻圍孤城單弱可
虞請迅發滿洲大兵蕩剿併救廣東南贛督撫調

潮州水師直抵夏門與閩師首尾夾擊庶海氛可
靖矣下議政王貝勒大臣會議

丙子

真定總兵官魯國男坐貪濫殘縱草賊下督抚提
究

丁丑

敕諭朝鮮國王李湜曰前因李敬輿李景奭趙綱
等罪犯重大既奉

太宗皇帝聖旨草戮不用爾復以為忠勤朦朧奏請
及稱与古兒馬紅李馨長有仇互相締結乘時構

毀是以亂政之愼王為可用矣以亂政之愼王為可用其如

太宗皇帝之聖旨何如爾父數十年之恪守侯度何似此朋比敗亂朕甚為爾懼焉故遣使特諭使爾力加省改今覽爾奏內有云當時錯糾妄奏亦莫非奉國君自迷冥愚昧之所致爾為一國之主豈可以空言塞責果有啟亂愼王即當顯行糾舉為是但念爾痛悔前愆言詞懇切既願與舉國臣民誓心糜隕益殫誠恪以報大朝生成之至德認罪已明姑從寬宥今後凡有奏言當一出真誠乃為

可長可久之道斷不可輕信愼王重惹事端以負朕撫育小邦之意爾其欽哉毋怠命固山額真明安達理統官兵往黑龍江征老察封朝鮮國王李湜子淵為世子錫之誥命以平南王尚可喜靖南王耿繼茂賑恤粵東飢民錫以銀幣仍降敕獎諭敕曰粵東遠在頻海頻歲用兵雨暘失時民多失所深軫朕懷爾等能率先督撫賑助窮黎俾遐荒赤子藉以存活朕心嘉悅特頒賜銀各五百兩緞各五十疋用示獎勵爾等宜並體愛養德意殫綏輯謨奏救寧之績朕不斷懋賞以旌爾勞

欽哉 免陝西、安府五衛荒屯地課糧兵二千一百七十九頃有奇 經略大學士洪承疇報湖南澧州長沙常德三府火災異常延燒兵民房屋一萬六千餘間

上命督率文武各官痛加修省以弭大災 江西巡撫蔡士英奏報逆寇周立發難閩中流禍江界更有偽總兵霍武等相為犄角福建江浙三省附近居民被其殘害守東迎安煥全守備陳天珍等虛寔並用霍武等率眾來降湖東已平下所司知之

戊寅

禮部言會試俱有定例他赤哈、番筆帖式哈番皆係六七品官各有責任優劣自有分別况歷來數次中式舉人頗多以後滿漢蒙古烏真超哈會試止准舉人應試其在院部等衙門他赤哈、番筆帖式哈番際不准會試庶滿漢試例一体矣後之

辛巳

日生左右珥色黃 漕運總督沈文奎疏報荒地招墾江北九千九百餘頃獲息銀二萬一千有奇

甲申歲暮享

太廟遣內大臣伯索尼行禮 遣官祭

福陵

昭陵

四祖陵 遣官祭太岁月將之神 順天府進春

是歲人丁戶口一千四百五萬七千二百五十田
地山蕩三百八十九萬六千九百三十五頃畦地
二萬九千九百八十個徵銀二千一百六十八萬
五千五百三十四兩九錢米麥豈五百七十七萬
五千一百八十九石有奇草五百一十六萬四千
六百五十一束行鹽三百九十八萬六千八百五

十八引徵課銀二百一十八萬六千三百六十九
兩五錢鑄鑿錢二十四萬八千八百五十四萬四
千四百六十有奇銅錢二十萬一千二百一十有
奇鈔一十二萬八千一百七十二貫四百七十有
奇

大清世祖體天隆運英睿欽文大德弘功至仁純孝
章皇帝實錄卷之八十八

順治十二年春正月丙戌朔

免行慶賀禮 朝鮮國王李湔遣陪臣麟坪大君
李湑等表賀冬至元旦

萬壽聖節附貢方物及歲貢宴賚如例

戊子

總督兩廣李率奏報廣西土賊偽總兵廖篤增
等負嵎作梗結連西逆官兵分道進剿陣斬篤增
於玉版巢又賊渠李先等廖鳳等盤踞藤縣遙為

李定國聲援定藩左翼統兵官馬雄攻之生擒偽
知府姜炎斬獲無算下兵部察叙

庚寅

多羅貝勒巴爾楚渾薨謚和惠 陞兵部理事官
吳庫札為大理寺卿 免山東齊東濟陽禹城長
青肥城臨邑齊河陽信海豐商河霑化東平平陰
陽穀壽張定陶曹州館陶十八州縣十一年水災
額賦

癸巳

陞江西湖西道叅政祖重光為陝西按察司按察

使河南大梁道叅政高士俊為四川按察司按察
使廣東廣州府知府王庭為廣西按察司副使分
巡府江兵備道浙江温州府知府王家樑為福建
都轉運蓋使司運使 陞署都督僉事南贛右協
副府董大用仍以原銜充廣東廣州府水師總兵
官

甲午

孟春享

太廟遣內大臣伯索尼行禮 遣官祭太歲月將之
神 內大臣伯索尼傳諭議政王貝勒大臣九卿

曰去歲欲脩乾清宮因加恩於水災困苦之民未
行興造茲正宮為后妃所居無裁理政務之所朕
居便殿視事今年應否脩造著會議具奏於是議
得今年應行脩造否則所備木料為雨水浸壞糜
費愈多奏入從之 吏部遵諭疏列言官以言事
不當及糾叅失寔降革者科臣有向玉軒董篤行
揚時化陳忠靖林起龍張京魏象樞楊璜高柱周
之桂陳調元劉顯績劉餘謨莊憲祖張國憲常若
柱臺臣有趙開心吳達石維崑崔士俊宗敷一審
承勲張懋燻姜金胤柯士芳趙弘文桑芸正燮李

成紀朱襄羅國士廖攀龍宋一貞吳贊元趙瑞許
弘祚宋調元于嗣登盧鑄王應元開具原案情由
奏請

上裁命復吳達董篤行楊時化常若柱石維崑崔士
俊林起龍原官

乙未

陞侍講學士李霽為內翰林秘書院學士 陞鑲
紅旗烏真超哈固山牛录章京尤進功為甲喇章
京 免直隸八府河南安陽湯陰涉汲新鄉輝獲
嘉昨城淇河內脩武 陟溫十三縣及衛輝所懷

慶衛十一年水災額賦 酉刻月生暈

丙申

賜朝鮮國王李滉及其貢使李湑等鞍馬銀幣如例

丁酉

以鑲白旗二寺蝦庫克德為擺牙喇甲喇章京
陞舟山叅將把成功為協守舟山副將

戊戌

諭諸王大臣等曰昔
皇考上賓朕方五歲正在幼冲不知辭讓當時諸王

大臣推戴勸嗣丕基及定鼎京師奄有四海于時
睿王攝政朕惟拱手以承祭祀凡天下國家之事
朕既不預亦未有人向朕言者於滿兵之艱辛人
民之疾苦原不得知自親政以來五年於茲焦心
勞思以求化理夙夜祇懼不敢荒寧日望諸王大
臣以嘉謨嘉猷入告匡救其失而輔其不逮乃疆
圉未靖水旱頻仍吏治惰汙民生憔悴錢糧侵欠
兵食不充教化未孚紀綱不立保和致治之道迄
今未得其要領朕思諸王大臣皆親見
祖宗創業垂統之艱難年來闢地綏民之不易必有

長策以裨治安而未見有直言得失者豈朕聽之不聰而虛懷納諫有未盡與何相率而默也以下天下之大幾務之繁責於一人而弗圖勵翼朕雖涼德獨不念

祖宗培養之恩乎察其存心以為奉命議事則將順而行否則緘口榮身試熟思之天下不平富貴能長保乎以激凡養兵愛民興利除害有關政治者居則深思進則敷奏各抒忠盡以慰朕懷至于當事諸臣因仍積弊僅以簿書為務不肯精思職掌擔大事發正言以圖寔濟國計民生將何賴焉內

外大小各官專為身謀罔念官守容充位望缺希遷富貴是箇恩怨不化真心為國殆鮮其人前從御史吳達謂滿朝大小各官盡昏腫朕以為出言太過由今觀之似不誣矣自今以後務要痛加省改有官守者必盡其職有言責者必盡其言弼德塞違期蔡平治君臣上下俱有令聞豈不美哉封多羅豫郡王多鐸次子察尼多羅貝勒吏部吏科都給事中朱徽疏擬吏部司官一年內陞一人外轉一人科員一年內陞二人外轉二人御史二年內陞三人外轉三人司道除陞巡撫

外每年亦內陞三人其司道內陞舊人不論科目
新人仍以科目出身為限必查其曾舉卓異俸荐
俱優者方准內陞此外若又有缺出則以在京衙
門應陞之人補用從之

巳亥

諭滿洲官兵人等曰朕以涼德藐躬續承

祖宗鴻業十有二年矣睿王時朕年冲幼未預政務
爾等官兵艱辛疾苦無從得知自親政以來五年
于茲各官竟未有以爾等疾苦入告者意爾等居
官者自有俸祿披甲者自有月餉足以贍養耳近

聞生計蕭條僕逃馬斃而又各處征剿整理器械
以在行間不得安處且年來水旱頻仍秋成莫望
無以聊生此皆朕不德所致也睿王時爾等心思
口誦望朕于何日親政又安天下共享太平豈料
竟虛所望言念及此夙夜焦思寢食俱廢今欲普
錫恩賚但緣外解不前倉庫無貯嗟爾官兵披堅
執銳露宿風餐汗馬血戰出百死一生以開拓天
下勞苦如斯朕豈復塵恩賞但今封疆未靖需用
繁多百姓未安錢糧通額是以朕懷未慰朕為天
下之主於爾等官兵竟未加惠而爾等仍勵初心

為國効力此皆追念

太祖

太宗育養深恩而報之于朕也尔等如此盡忠朕豈時刻有忘稍俟豐足即行賞賚尔等各宜體悉朕意 補假滿內國史院編修諸豫內秘書院檢討孫自式徐必遠原官 改庶吉士史彪古為工科給事中 陞兵部額者庫哈番番喇為本部理事官

庚子

順天府舉行御飲酒禮 宴來賀元旦科尔沁國

禮薩克番郡王鄂尔多斯部落額林臣貝子喀喇沁部落塞冷公土默特部落古穆公等於禮部

辛丑

諭吏部曰朕惟賢才難得政事需人必舍短以取長宜計功而忘過特頒恩命畚任舊臣原任吏部尚書韓岱原任固山額真宜尔德阿拉善等俱自

太祖

太宗之時或膺部務勤勉或勦兵戎勞苦以一青終錮朕心不忍茲特復其原任用韓岱為吏部尚書爾德阿拉善為固山額真赦過宥罪已弘施雨露

之恩盡職奉公宜並勵冰霜之操尚其永念勿負
朕心 戶部粟戶科都給事中朱之弼疏擬布政
使知府直隸知州俱應通計所屬錢糧完欠照州
縣一体叅罰十分全完者優陞欠一分者罰俸六
箇月照常陞轉欠二分者住俸欠三分者降俸一
級欠四分者降俸二級欠五分者降職一級欠六
分者降職二級俱戴罪督催俾其陞轉俟完日開
復欠七分者降職一級調用欠八分者降職二級
調用欠九分十分者革職從之

壬寅

命考選軍政照文官例卓異者賜袍旌勸從兵科
給事中張文光請也

癸卯

陞湖廣驛傳道副使于時躍為都察院右僉都御
史巡撫廣西提督軍務

甲辰

諭吏部曰新補禮部右侍郎兼內翰林秘書院學
士胡兆龍着以侍郎官銜仍在內院辦事侍郎員
缺另推來奏 諭吏部寺衙門曰人君圖治當虛
已以求言臣子効忠必有猷而入告况年來水旱

相仍干戈未息滿洲兵丁困苦至極飢寒百姓轉徙死亡雖朕之涼德寔因臣下政事不脩兵民失業弭救無策至此多艱在京七品以上文武滿漢官員俱宜殫竭忠誠共備補救凡朕掌之內向來積弊所在見今整頓之方詳切敷陳以資採用知其病即脩其藥言其害即奔其利務要各抒所見毋得浮泛空言雷同塞責負朕求言至意如兵民疾苦拯救事宜果有確見良籌雖非朕事掌亦許另疏具奏 又諭吏部曰朕撫育萬方夙夜祗懼講求愛民之道不啻三令五申乃年來水旱相尋

干戈未靖民窮莫拯兵食不充上德弗宣下情壅塞所以致此弊非一端朕已廣開言路博詢化理復念天下至大民情土俗所在不同地方各官身親寔歷凡兵民疾苦政事利弊必相灼知於心耳聞目見最為真切今文官自督撫以下知府以上武官自提督總兵以下副將以上管轄之內朕掌事宜向來積弊何以得清見今整頓如何而可俱着詳切直陳無隱以資採用司道知府副將着各陳奏一次知其病即脩其藥言其害即舉其利毋得浮泛雷同苟且塞責負朕周諮勤民至意 又

諭吏部都察院及科道官員曰三年以來水旱相仍干戈未息飢窘人民轉徙溝壑滿洲兵士困苦無聊災變未弭時難莫救其故安在意者朕躬之有闕用人之不當行政之失宜以致是與抑与王貝勒大臣或有勵翼未盡而然與前曾有旨命言官直陳時事無論當否槩賜優容後乃分別是非間有譴謫致生疑畏之心章奏敷陳未免瞻顧兵民疾苦不得上聞今廣開言路博詢化理凡事關朕躬者何令不信何政有差諸王貝勒在事諸臣曠職之愆叢弊之處及內外各司何害未除何利

未與各據見聞極言無隱須詳明切寔庶便覽觀一切啟迪朕躬匡弼國政者所言果是即與採用如有未當必不加罪毋得浮泛塞責負朕求言至意諭戶部曰朕有天下寄我

太祖

太宗積德施仁開創鴻緒以貽渺躬朕既為生民主一夫不獲時朕之尤念自明運式微流賊煽亂朕恭

天威命救民於水火之中率土人民如依父母以為必蒙愛育得享昇平豈意比年以來水旱頻仍干

戈未靖轉輸旁午人不聊生蕩析離居鬻及妻子
乳、無告輾轉呼號想其怨咨必歸于朕言念及
此何以仰副

祖宗付託之意中夜以興潛焉出涕雖未能減賦蠲
租且欲去泰去甚與良有司共勗休養已有諭旨
令內外大小官員悉心條奏通達下情自今以後
各地方錢糧九橫歛私徵暗加火耗荒地逃戶灑
派包賠非時預徵蠲免不定災傷遲報踏勘騷擾
妄興詞訟妨奪農時等弊一切嚴行禁革有違犯
者該督撫即行糾劾以憑重處如督撫徇情庇縱

部院科道官訪寔劾奏

乙巳

改庶吉士李文煌為吏科給事中 酉刻風霾

丙午

以起造乾清景仁承乾永壽四宮遣內大臣伯索
尼祭告

圜丘尚書巴哈納祭告

方澤公額爾克戴青祭告

太廟公愛星阿祭告

太社

太稷工部侍郎柯科戶部侍郎覺羅額爾德吏部侍郎蘇納海禮部侍郎烏赫祭告四宮后土司工之神都察院承政屠賚寺言愛民莫先除害近聞投充之人自帶本身地外人任意私添或指鄰近之產據為己業或帶他人之田隱避差徭被占之民既難控訴國課亦為虧減上下交困莫此為甚宜勅戶部將投充之人照原投部檔查該給地外其多占地畝即退還原主庶民累稍甦而賦租亦增矣又年來因逃人衆多立法不得不嚴但逃人二次始絞而窩主一次即斬又將鄰佑流徙似非

法之平也竊謂逃人如有窩主者逃人處死即將窩主家產人口斷給逃人之主兩鄰甲長責懲該管官員罰治無主者仍鞭一百給主自投歸主及窩主首出者俱照例免議庶逃人少而無辜之株連者亦少矣再如建言降褫諸科道已蒙特旨令吏部開緣事始末矣查降調禮部郎中郭一鵬流徙詞臣李呈祥侍郎魏瑄寺其罪雖分輕重要皆由於進言似應一体開列以候

睿裁庶不虛宥過惜才之盛典也詔令議政王貝勒大臣九卿詹事科道寺官會議以聞

丁未

鎮國公巴布泰卒謚恪僖 陞內翰林國史院學士李奭棠為禮部右侍郎 增設兵部四司副理官滿洲筆帖式哈番各一員 以戶部啟心郎李迎春為本部理事官 以正白旗滿洲固山兵部理事官富喀為擺牙喇甲喇章京 吏部覆山東道監察御史王秉乾疏單前委用官員必詳勘履歷方可給劄有以吏員出身而經委府州縣正官者如部選有人繳劄到部俱應以首領縣佐用其隨征中書係科貢出身有委署方面寺官者不必

拘定原委職銜務要斟酌勞績及在任久近以叅議僉事酌用着為永例從之

戊申

以正黃旗滿洲固山牛录章京碩爾鋒為甲喇章京 都察院右都御史龔鼎孳言海賊鄭成功旋撫旋叛攻破漳泉浙閩總督刘清泰勦抚無能借病息肩宜加處分同安侯鄭芝龍不能訓子革心又不束身待罪宜蚤留意以肅清內外下部密議大理寺卿吳庫禮言五事一滿兵之苦累宜卹一流民之生計宜講一綠旗死事官兵妻子宜養

一江海之邊防宜備一蒙古之貿易宜均下所司
陞工部員外郎狄敬為湖廣按察司使僉事提
調學政

巳酉

吏科都給事中朱徽言比年以來錄遺舉廢恩詔
頻頒甚盛舉也但有以曾經前朝罪廢不用者亦
有以本朝微旨註誤不用者又有以赴部違限槩
加革職永不叙用者宜勅督撫無論前代遺紳与
山林隱逸果有才堪理民學足補世者已舉未奉
覈寔奏聞該部覈核即加擢用其不願仕者亦准

以原官休致庶四方向風人才輩出矣下所司議

酉刻霧青白色

庚戌

禮部言向封和碩格、多羅格、多羅貝勒福金
俱給誥命今應改給紙冊從之 以正藍旗法一
旦大龔雷為甲喇章京 兵科右給事中李裊言
逃人一事立法過重株連太多使海內無貧富無
良賤無官民皆喘、莫必旦夕之命可為痛心者
一也法立而犯之者眾此必有居東人為奇貨縱
令紮詐則殷寔破家禍起奴婢則名分蕩盡使愚

者誤陷而難解智者欲避而不能可為痛心者二也犯法不貸牽引不原即大逆不道無以加此破一家即耗

朝廷一家之供賦殺一人即傷

朝廷一人之培養古人十年生之十年教之今乃用東人一法戕之乎可為痛心者三也人情不甚相遠使其身得所何苦相率而逃况至三萬之多其非盡懷鄉土念親戚明矣不思恩意維繫其心而但欲以法窮其所往法愈峻逃愈多可為痛心者四者自捕捉起解以及捉解有審道路騷騷冤陷

寔繫藤蔓不已生齒凋敝誰復為

皇上之赤子乎可為痛心者五也且飢民流離地方

官以挨查逃人之故閉關不納嗟此窮民

朝廷日蠲租煮賑衣而食之奈何以酷法苛令迫而斃之乎可為痛心者六也婦女擲燭于原野老稚僵仆于溝渠其強有力者東西驅逐而無所投止勢必捷而走險方今未靖寇孽且多方招徠何為本我赤子乃驅之作賊乎可為痛心者七也疏入詔議政王貝勒大臣會議

辛亥

諭大學士額色黑等曰朕惟平治天下莫大乎教化之廣宣鼓動人心莫先于觀摩之有象夫精微之道難喻顯蒙而負撲之言未詳證據茲欲將歷代經史所載凡忠臣義士孝子順孫賢人廉吏貞婦烈女及奸貪鄙詐愚不肖等分勒別門類勒成一書以彰法戒名之曰順治大訓即於新春開館特命額色黑金之俊呂宮為總裁官能吐張玄錫李霽為副總裁官王元咎沙澄方拱乾黃机吳偉業王熙方玄成曹本榮姜元衡張士甄范廷元李儀古宋之繩白乃貞又滿官四員為纂脩官滿官

四官為謄錄官典籍二員為收掌官卿等受茲委任頃協同心殫思博採務令臣民皆可誦習觀感興起無負朕憐之化導之意 太子太保戶部尚書陳之遴言滿洲官員有罪多有盤家產革前者寔為太過夫前程皆由捐軀死難而得頃刻削盡無祿何以養生祈勅會議查照條成例以定籍沒之法分別流銜世職以垂降革之規則感恩益深而根本益固矣下所司議

壬子

諭内外文武官員曰朕奉

天子民孜孜畜治夙興夜寐罔敢怠荒庶望休息安
養漸興教化以奏昇平乃疆圉未靖水旱頻仍儲
侍不充兵民憔悴流離困苦永念惻然雖屢赦頒
屢而奉行無法每思與朕共理天下者唯尔内外
文武諸臣是賴已有諭旨自朕躬闕失以及政事
未當之處俱令各官悉心條奏採擇施行茲以朕
思慮所及先頒勅諭着各該管衙門作速遵奉興
利除害爾朕祇承

天意周恤民隱至懷書不云乎車服以庸從來帝王
致治最重民功之賞尔内外諸臣果能殫力宣猷

克敷膏澤朕必論功優擢如仍前玩忽悞國殃民
定置重典所有事宜條列於後一知府乃吏民之
本若盡得其人天下何患不治今各處知府百有
餘員其最要者如直隸之真保河間江南之江寧
淮揚蘇松常鎮浙江之杭嘉湖紹山東之濟南青
兗山西之太原平陽河南之開封彰德陝西之西
安延安江西之南昌吉安湖廣之武昌荆襄福建
之福州泉州共三十府或政事殷繁或地方扼要
知府之任尤宜得人如不得其人致被叅劾迎送
勞擾公私務廢閣交代之際吏胥作奸為害甚大

與其參之于後莫若慎之于先着在京各衙門滿漢堂上官三品以上及在外督撫各舉才行兼優堪任知府者一人詳開履歷事蹟具奏吏部再加察議奏請定奪以備前三十處之知府之用如遇缺出仍開列正陪候旨点用其餘各府俱照定例行有荐奉徇私及推諉不荐者議處湖南四川兩廣等處用兵地方聽該督撫選擇題用一歷代州縣之制自漢以來皆以人戶分大小隋有閭閻劇衝要之寺唐有赤畿望緊之差明時因之酌為繁簡定有成例隨材器使各尽其用今掣籤未嘗不公

但精明強幹者或置於簡僻無可展布而劇要地方或以付衰弱之人致公事廢弛錢糧侵欠雖加罪責事已莫追着吏部詳察舊例參酌時宜將地方分為三等具疏奏奪應選官員考其身言書判精加揀擇亦分三等具奏上等者列名引見候朕面定方將上等之缺從公掣籤其考居二等者授二等地方三等者授三等地方不必引見俱從公掣籤務使州縣各官人地相稱一水旱災荒古今代有全在預備得法一省報荒必有不荒之府一府報荒必有不荒之縣荒者當速賑不荒者即當

蚤備如常平倉之法米賤則增價以糶米貴則減價以糶官民俱便歷代行之未嘗有改明宣德年間巡撫周忱與蘇州知府况鍾多方儲積蘇州一府至六十餘萬石松常二府尚不與焉春夏濟農秋冬還官民至今稱之若各地方官果有為國為民之心豈不能于存由項下委曲設處着戶部嚴飭遵行一賦役原有定額自流賊煽亂之後人丁逃散地畝荒蕪奸民乘机隱漏良善株累包賠或有地而无糧或有糧而无地或有丁而无差或有差而无丁甘苦不均病民殊甚着各布政司嚴飭

該道府責令州縣官察照舊冊着落里甲逐一清查隱漏者自首免罪包賠准其控告察確即與豁免不許借端擾害事畢造冊報部以憑覈覈即以察出多寡分別各官殿最至于屯道屯廳奪民熟田控充開荒及墾少報多令民包納者一体清查但無重納以寬民力其河東長蘆等處各運司並課原應商人辦納中有每年派民納課而民不見升合之蓋者着該運司詳加稽核送長計設務令公私兩便經久可行毋得因循積弊一有司賢否全憑督撫奉劾而督撫又寄耳目于司道府推層

累開報原期詳核近乃上下扶同以餽遺之厚薄
情面之大小顛倒貪廉俾循良不獲上達奸婪反
叨優考勸懲不公吏治因之大壞以後責令司道
府推一應官評務要細開事跡轉報督撫逐件確
核如開報不寔即先行指名題叅至于督撫荐語
據事直陳不得仍襲浮辭故套如只憑開報不親
自体訪覈寔以致賢否混淆事發一体究治一設
立學校原欲養育人才為將來治民之用着各提
督官察照旧制優獎德行有敗群不檢者確訪黜
懲分別優劣務要公發有司教官不得徇情通賄

濫舉德行私覈讐誣捏送行劣向來情弊每有不
肖之尤自知公論共棄畏罪鑽營反叨優舉或有
原非甚劣偶因別事觸犯官吏遂挾恨主使以不
檢開送尤為可恨俱着嚴行飭禁違者事發治罪
一瀕河郡縣田土盡湮各地方協濟河上一束之
草賠糧數錢徵調繁具侵那萬狀河夫工食不能
時給物力已竭積用未成中原重地人民苦累半
由于此自今以後該管各官務要親駐河干解到
人夫物料嚴核數目乘時脩築工食價值毋得短
少有仍前作弊者官則題叅吏即拏究期在早竣

以蘇民困一近來各處驛遞疲累至極衝要地方
尤為困苦皆因馬價草料工食等銀不敷支用民
力既窮馬亦隨斃買補之費仍出于民之困如此
勢必至驛政盡壞道路不通著戶兵二部行各督
撫察地方衝僻及路程遠近每驛應用馬匹草豆
鞍轡夫役工食數目錢糧見額若干逐一確算造
冊奏報應用錢糧進于應解正項錢糧內動支原
解缺額該部另行酌設務期久遠可行凡從前倒
塌驛站責令各地方官速行料理如因仍廢弛着
該督撫察明併道府題參究治其奉差員役需索

騷擾屢有嚴禁着再行申飭務革積弊一各處兵
丁日見窮苦皆因督撫鎮道不能潔已釐弊將領
餽送悉出兵身所領月糧得不償失不可痛恨着
嚴行禁革應支月糧務要依期給發不許官胥需
索使費將領借端侵扣違者重究一大兵養馬及
駐兵地方應支糧米草豆雖動正項錢糧而運送
腳價及各項器用所需不貲悉係民間備辦最為
苦累着該督撫詳察報部酌量銷美其有奸貪官
胥指稱供應大兵分外多派用一科十折歛入已
者嚴察劾奏治以重罪一直省地方重大獄情況

積甚多每處不下數百起皆因逐件具題耳疏內
所載招詞批駁之語重複繁冗不便寬觀人命至
重有罪者尚宜哀矜無干者豈可淹禁似此奏讞
雖復延引歲時安能完結或致無辜赤子畢命因
固深為憐憫已經科臣察照會典疏陳着三法司
作速詳議覆行以上事款内外文武衙門作速遵
行係在外者該部騰發各總督巡撫將行過緣由
逐款奏繳不許視為文具玩忽遷延有干憲典
自廣東奏報擊敗賊渠李定國捷音侍讀學士雷
虎擺牙喇甲喇章京常敏等還軍中噴勃諭靖南

將軍固山額真朱瑪喇等曰爾等率兵前往會同
兩王及總督李率恭將已入廣東賊兵多方制勝
陣斬無美深可嘉悅但既已統兵前往仍會同兩
王及總督李率恭相機安撫被賊地方人民再行
報聞 大理寺少卿霍達言帝王之治天下惟在
正心正心之道端在勉學然非取典謨經籍講求
而力行之心無以追蹤二帝三王之盛業也

皇上春秋鼎盛正當及時力學則日講之官不可不
專設日講之事不可不急行誠取大學論語及帝
鑒圖說貞觀政要大學衍義諸書令講官日講一

二章

皇上精思明辨躬體力行則學有寔用於以追踪帝王坐致太平有餘裕矣下所司知之

癸丑

卯刻日生半暈青黃白色 吏部副理官彭長庚言從古冲齡踐位致治太平者莫如成王之明躬任勞怨輔成王德者莫如周公之忠然而流言一起衮衣居東直至風雷召變金縢感悟而周公之忠益著成王之明益彰我

太宗創業盛京同事諸王俱立功勲惟睿王最為冠

首即當

太宗上賓之後睿王與諸王貝勒大臣等堅持盟誓扶立

皇上鞠躬任事此可信其忠誠者一也迨後奸人煽惑離間骨肉如阿達禮郡王碩託貝子私謀擁戴睿王乃執持大義立置典刑史書載列昭若日星此可信其忠誠者二也嗣睿王奉命提兵收拾明疆彼時大權在握關內關外咸咸知有睿王一人

皇上冲齡遠在盛京彼若肆然自帝誰能禁之而乃

先驅綏定肅整奎輿恭迎

皇上登御大寶此可信其忠誠者三也是以當其初
薨尚無異議曾經

皇上傳赦天下尊崇過厚不意為時無幾朝論紛起
即蒙追奪毀滅過甚臣于是時雖愚昧無知或詢
之故老或聽之傳聞輒不禁其款歎迷惑細思不
得其解彼當任國事尊稱皇父必有由來即肅王
妃竄亂一事愆心莫掩然而功多罪少應存議親
議過之條若謂私匿

帝服御用等物此更有辨益恭進尚衣御用等物必

由彼傳諭織造早晚齋迭暫停王府情或有之豈
可與一切私匿御用者同例而議為不軌也方今
皇上宵旰求寧而水旱相繼似同風雷之警寃抑既
久公道宜申伏乞

睿鑒立賜昭雪復其舊封一以彰

太祖之有子

太宗之有弟

皇上開創之有臣且以見

太宗知人之明併以勵諸王作忠之氣幽明交感災
可弭命議政王貝勒大臣會同斟酌密議具奏

兵科都給事中魏裔介言明罰勅法設為刑律所以使民知而不敢犯也今天下各衙門正有律書一部鎖閉深藏小民不得與聞故犯法者甚衆請勅督撫將刑律有關於民者摘而刻之令有司春秋暇日為之講說即學宮之中亦令學官與士子不時講習則明習法令而不至於犯法矣又聞寧古塔窩遠嚴寒至其地者九死一生請勅該部將遼東各地量其遠近酌罪輕重以流之不必專發寧古塔地方庶法行而法外之仁亦得矣下所司議

甲寅

詹事府詹事梁清寬言前代設起居注專記人主嘉言善行垂法後世又設六曹館脩潤六部本章脩脩寔錄前于順治六年曾經舉行後因各官出差暫止今若不及時編纂何以得成完書祈復設專官各脩厥職以脩一代大典下所司知之喀爾喀部落畢席勒爾圖汗溫布爾德尼並于庫圖克圖等上表引搶掠巴林部落罪來請和好進獻駝馬

萬壽節

上以年歲飢荒免行慶賀禮 祭

太廟遣內大臣公額爾克代青行禮 遣官祭城隍

東嶽真武之神 陞詹事府詹事梁清寬為內翰

林國史院學士廣西右布政使戴明說為刑部右

侍郎

